

TITULU IV
PARTECIPÀTZIONI DECENTRAMENTU E DIRITU DE ACCESSO

CABU I
ISTITUTUS DE PARTECIPÀTZIONI

Art. 49
Promotzioni de s'associatzionismu e de su volontariu

1. Su Comunu assicuratu sa partecipatzioni democratica de totu is citadinus a s'atividadis politica, amministrativa, economica e sociali de sa comunidadi. Po custu riconoscit, valorizat e agiudat sa costitutzioni de associatzionis liberas chi bollint cuncurri cun metodu democraticu e chentza scopu de guadangiai a su raggiungimentu de is atividadis nomenadas prima
2. Su Comunu riconoscit is organizatzionis de volontariu, espressionis liberas e autonomas de sa Comunidadi, e ndi sostenit s'atividadis po su raggiungimentu de is finalidadis publicas e s'afermazzioni de is valoris de solidariedadi, in atuazzioni de is principius stabilius de sa lei 11.08.91 n. 266.
3. Su Comunu riconoscit puru is associatzionis "PRO LOCO" cumentis instrumentis importantis po sa tutela de is valoris naturalis, artisticus e culturalis de su territoriu, e puru de promotzioni de is atividadis turisticas.

Art. 50
Albu de is associatzionis

1. Po is finalidadis nomenadas in sa lei 241/90 e po publicidadi e informazzioni a sa popolazzioni de su Comunu fait, aintru de ses mesis de s'aprovazzioni de su Statutu, s'Albu comunali de is Associatzionis.
2. S'iscrittioni a s'Albu est acapiada a sa presentazzioni, de pati de s'organismu chi dda pedit, de s'atu costitutivu cosa sua e de su statutu.
3. Su Comunu podit donai contributus a is associatzionis, rispetendi is criterius stabilius de su regolamentu cunsillari adotau segundu sa lei 241/90.

Art. 51
Consultas

1. Su Comunu podit promovire sa costitutzioni de organismus de partecipatzioni cumentis consultas, disciplinendi sa composizioni e su funtzionamentu cun regolamentus apositus aprovaus de su Cunsillu Comunale.

Art. 52
Petizioni

1. Is citadinus de su Comunu podint rivolgi a su Sindigu petizioni po chistionis de cumpetentzia comunali cun su scopu de bogai aforasa problemas e bisongius e de pediri provedimentus amministrativus.
2. Is petizionis depint essi asutascritas asumancu de 100 citadinus residentis cun firma chi si ligiat beni e cun s'indicazioni acanta sa firma e totu, de su sangunau, nomini, data e logu de nascida e residentzia de su chi at firmau.
3. Po donna petizioni su Sindigu at depi donai sceda scritta de mandai a s'indirizu de cussu chi at firmau po primu, o atru indirizu indicau espressamenti prima de sessanta dis de sa ricetzioni de sa matessi petizioni.

Art. 53
Instantzia

1. Dònna citadinu de su Comunu podit ponni instantzia scritas a su Sìndigu, in pitzus a is cumpetenzias de su Comunu, po signalai disfuntzionis o donai soluzionis.
2. S'aministràzioni comunali depit, po mezu de organismus cumpetentis, donai una sceda scritta prima de 30 dis de su ricevimentu de s'instanczia si no est prevediu unu termini diversu de su specificu procedimentu amministrativu interessau .

Art. 54
Propostas

1. Is citadinus, podint fai a su Comunu propostas po adotai deliberatzionis apitzus de materias de cumpetentzia de sa Giunta e de su Cunsillu.
2. Sa proposta, depit essi asuta scritta asumancu de 100 citadinus presentis me in is listas eletoralis de su Comunu, cun firma chi si ligiat beni e cun indicatzioni, acanta a sa matessi firma, de su sangunau, nomini, de su logu e de sa data de nascida de su chi firmat.
3. Su Sìndigu apustis ai tentu su pareri de is responsabilis de is servitzius interessaus depit scriri sa proposta a s'ordini de traballus po sa dì de su Cunsillu o de sa Giunta prima de 60 dis de sa data de presentàzioni.
4. Is instantzias, is petizzionis e is propostas funt bodiasa in unu registru apositu in ordini de presentazioni cun l'imputazioni de s'iter decisoriu e provedimentus adotaus eventualmenti. Su registru est publicu.

Art. 55
Referendum

1. Est amitiu su referendum po chistionis de importantzia generali in pitzus a materias de cumpetentzia esclusiva de su Comunu.
2. Su referendum benit indiciu de su Sìndigu cun domanda de sa maggioranza assoluta de su Cunsillu Comunali o asumancu de su 30 po centu de is citadinus presentis me in is listas eletoralis de su Comunu.
3. No si podint discuti po referendum custas chistionis:
 - a) Statutu e is regolamentus Comunalis;
 - b) Bilanciu, tributus e tarifas;
 - c) Nominas, designatzionis, revocas de personas chi tenint cumpetentzia donada de is organus de su comunu;
 - d)- Dotazioni organica de su personali;
 - e)- Pianu Regolatori Generali e strumentus urbanisticus atuativus;
 - f)- Progetus de operas publicas apustis de s'aprovàzioni de su progetu definitivu.
4. Podint partecipai a is consultazioni totu is citadinus presentis me in is listas eletoralis de su Comunu.

5. Una comissioni de tres espertus tennicu-giuridigus nomenaus de su Cunsillu Comunali decidit chi sa domanda de referendum, domanda formulada in manera crara e brevi, est cunformi a sa lei.

6. Su regulamentu imponit is modalidadis po boddiri e autenticai is firmas de is asutascritoris, s'organizàtzioni po podi votai, is formas de publicidadi.

7. Po is cosas chi no nomenada su statutu e su regulamentu si s'ghint is normas de is referendum natzionalis.

8. Is referendum no si podint fai in su matessi momentu de operatzionis eletoralis diversas de is referendum eletorali.

Art. 56 **Efetus de su referendum**

1. Sa chistioni posta a referendum est valida si at partecipau a sa consultatzioni sa maggioranza de is eletoris presentis me in is listas eletoralis e si s'est arribaus a sa maggioranza de is votus validus; si no benit respingiu. Su Sìndigu in pitzus a is risultaus eletoralis comunicat su risultau de su referendum e si preocupat chi custu risultau siat fatu connosci publicamenti.

2. Chi su risultau est negativu, sa matessi domanda de referendum no podit essi fata prima de cinqu annus.

3. Si su risultau invecias est positivu su Sìndigu depit proponi a su Cunsillu Comunali, prima de 60 dis de sa proclamatzioni de is risultaus, sa deliberatzioni asuba de s'ogetu de sa domanda posta a referendum.